

《佛說無量壽經》 補充講表

◎附表十三：以下糅合《佛說無量壽經甄解》

○第十七願：設我得佛，十方世界無量諸佛，不悉咨嗟稱我名者，不取正覺。（嗟音ㄨ一ㄗ）

※《大寶積經》云：「若我成佛，彼無量剎中無數諸佛，不共諮嗟稱歎我國者，不取正覺。」

※《漢譯》云（十七）：「我作佛時，令我名皆聞八方上下，無數佛國，諸佛各於弟子眾中，

歎我功德國土之善，諸天人民，蠕動之類，聞我名號，皆悉踴躍，

來生我國，若不爾者，我不作佛。」◆令在會的大眾信敬仰慕求生

◆為何誓諸佛咨嗟耶？為令我名號皆聞十方世界，願令十方諸佛各說我名號也。若諸佛不弘贊於十方世界，則何如來尊號於十方世界普流行！不普流行，十方眾生何得聞信！是以為令十方眾生聞信名號，故願諸佛稱讚。由諸佛稱讚，如來尊號甚分明，十方世界普流行，眾生聞之，得大利無上功德，此願實大悲之願也。

※《阿彌陀經》云：「舍利弗！如我今者，讚歎阿彌陀佛，不可思議功德之利。」

※《彌陀要解》云：「不可思議，略有五意：一、橫超三界，不俟斷惑。二、即西方橫具

四土，非由漸證。三、但持名號，不假禪觀諸方便。四、一七為期，不

藉多劫多生多年月。五、持一佛名，即為諸佛護念，不異持一切佛名。

此皆導師大願行之所成就。故曰：【阿彌陀佛，不可思議功德之利】。」

○第十九願：設我得佛，十方眾生，發菩提心，修諸功德，：現其人前者，不取正覺。

◆「臨壽終時」者，即明其時，《安樂集》引《大論》云：「一切眾生臨終之時，刀風解形，

死苦來逼，生大怖畏。又若人臨終時生一念邪見，增上惡心即能傾三界之福，即入惡道也。」

※《稱讚淨土佛攝受經》言：「是善男子或善女人臨命終時，無量壽佛與其無量聲聞弟子

菩薩眾俱，前後圍繞來住其前，慈悲加祐，令心不亂，既

捨命已隨佛眾會，生無量壽極樂世界清淨佛土。」

◆凡命終有三位：一、明瞭心，通起三性心；二、自體愛心，唯有覆無記心；三、最後不明瞭心，唯有異熟無記心。此中見佛即在明瞭心位，具如《釋淨土群疑論》。

○第二十願：設我得佛，十方眾生，聞我名號，繫念我國，植眾德本……不果遂者，不取正覺。

◆「繫念」者，繫，束也。即念念相續不息也。

○第二十一願：設我得佛，國中天人，不悉成滿三十二大人相者，不取正覺。

※《吳譯》云：「令我國中諸菩薩身，皆紫磨金色，三十二相，八十種好，皆令如佛。」

◆三十二相：係轉輪聖王及佛之應化身所具足之三十二種殊勝容貌，與八十隨形好（微細

隱密者），合稱相好。

※《大智度論》卷四云：「一一相，百福德莊嚴。」又云：「復有人言：是福不可量，可以

譬喻知：如三千大千世界一切眾生皆盲無目，有一人能治令差，是為一福。……一切人破

戒、正見，一人能教，令得淨戒、正見，如是等為一福。」

○第二十二願：他方佛土諸菩薩眾，來生我國，究竟必至一生補處。：使立無上正真之道，超出常倫諸地之行，現前修習普賢之德。若不爾者，不取正覺。

◆一生補處：再一生就能補到佛位的意思。

◆「被弘誓鎧」，即彼第一「披甲精進」也；

「積累德本」，即彼第二「攝善精進」也；乃積功累德（積聚福智資糧）以為因本。

「度脫一切」，即彼第三「饒益有情精進」也。

◆「無上正真之道」者，阿耨多羅三藐三菩提也。

◆常倫諸地：指三賢十地。三賢：十住、十行、十迴向。安養界內，菩薩超越出過常途行

位，所謂一行一切行。

※《普賢行願品》云：「我既往生彼國已，現前成就此大願，一切圓滿盡無餘，

利樂一切眾生界。」